

आकाशवाणीखबरां

- अज्ज पहलगाम आतंकी हमले दी पैहली बरसी पर राश्ट्र पीड़ितें गी श्रद्धांजलि अर्पित करा'रदा ऐ। राश्ट्रपति, उपराश्ट्रपति ते प्रधानमंत्री होरें आतंकवाद दे सब्बे रूपें कन्नै लड़ने लेई देश दे वृद्ध संकल्प दी पुष्टि कीती।
- प्रधानमंत्री नरेंद्र मोदी होरें सिविल सेवकें थमां इक विकसित भारत दे निर्माण दे लक्ष्य कन्नै हर मुमकन प्रयास करने दा आह्वान कीता।
- तमिलनाडू ते पच्छिम बंगाल च कल होने आहले विधानसभा चुनावें लई सब्बै बवस्थां पूरी करी लैती गेइयां ना।
- भारत ते बरतानिया नै हिंद प्रशांत क्षेत्र च समकालीन चुनौतियें थमां निब्वड़ने ते सुरक्षा बढ़ाने लेई सहयोग मजबूत करने पर सहमति व्यक्त कीतीं
- बाम्बे हाई कोर्ट नै 2006 दे मालेगांव धमाके मामले च 4 आरोपियें गी बरी करी दित्ता ते उन्दे खलाफ लग्गे दे आरोपें गी रद्द करी दित्ता।

<><><><><><>

Pahalgam Attack

पहलगाम च होए दे आतंकवादी हमले दी अज्ज पैहली बरसी ऐ। इस हमले च 26 लोक मारे गे हे। पिच्छले बरे अज्जै दे रोज पहलगाम दी बैसरन घाटी च किश आतंवादियें 26 लोकें दी हत्या करी दिती ही। इस हमले च मारे गेदे लोकें दे परोआरें दा आखना ऐ जे इक बरे मगरा बी आतंकी हमले दी टीस बरकरार ऐ। हमले करी पूरे मुल्खै च आक्रोश हा ते इस घटना मगरा गै ऑप्रेसन सिंदूर चलाया गेआ। एदे तैहत पाकिस्तान च आतंकवादी ठिकाने गी निशाना बनाया गेआ। भारतीय सेना नै सोशल मीडिया दी इक पोस्ट च आतंकवाद आहली साजिश रचने आहलें गी चेतावनी दिती ऐ जे जिसलै बी मनुक्खता दी हदें गी पार कीता जाहग तां उस नापाक हरकत दा बनकदा परता दिता जाहग। राश्ट्रपति द्रौपदी मुर्मू, उपराश्ट्रपति सी.पी राधाकृष्णन ते प्रधानमंत्री नरेंद्र मोदी होरें पहलगाम आतंकवादी हमले दी बरसी पर पीड़ितें गी श्रद्धांजलि अर्पित कीती। सोशल मीडिया पोस्ट च राश्ट्रपति होरें आखेआ जे उस घिनौने कृत्य च निर्दोश लोकें दी जान जाने दा दुखद दृश्य स्हाढी समृति च अंकित ऐ।

<><><><><><>

PM –Pahalgam

प्रधानमंत्री नरेन्द्र मोदी होरें आखेआ जे मुल्ख कुसै बी चाली दे आतंकवादी हमले दे सामने कदें नेंई झुकोग ते आतंकवादियें दीयां साजिशां कदें बी कामयाब नेंई होडन। पिच्छले बरे अज्जै दे दिन होए दे पहलगाम आतंकी हमले च मारे गेदे बेदोसें लोकें गी चेता करदे होई उंनं आखेआ जे इस दर्दनाक घटना दे पीड़ितें गी कदें बी भलाया नेंई जाई सकदा। महाराश्ट्र दे उपमुख्यमंत्री एकनाथ शिंदे होर कल सईद आदिल हुसैन शाह हुंदे परोआर लेई बनाए गेदे नमें घर दा वर्चुअल माध्यम राए उदघाटन

कीता। सईद आदिल पिच्छले बरे पहलगाम आतंकवादी हमले दौरान सैलानियें गी बचांदे होई मारेआ
गेआ हा।

<><><><><><>

LG-Terrorism

उपराज्यपाल मनोज सिन्हा होरें पिछले बरे अज्जै दे ध्याड़े पहलगाम आतंकवादी हमले च मारे गेदे
बेसोसे लोकें गी श्रद्धांजलि भेंट कीती ते आखेआ जे अस कदें बी उनेंगी माफ नेई करगे, जिनें
आतंकवादी हमला करिए 26 लोकें दी बैसरन घाओ च हत्या कीती ही। इसी अमानवीय घटना करार
दिंदे होई उपराज्यपाल होरें आखेआ जे भारत आतंकवाद खिलाफ लड़ाई च मजबूती कन्नै खडोते दा ऐ
ते इसी जम्मू-कश्मीर दी धरती थमां पूरी चाल्ली खत्म करने लेई बचनबद्ध ऐ। सोशल मीडिया दी इक
पोस्ट राएं एल.जी होरें पीड़ितें गी श्रद्धांजलि भेंट कीती ते पीड़ित परौआरें कन्नै हमदर्दी जाहिर कीती।

<><><><><><>

CM-Pahalgam Attack

पहलगाम आतंकवादी हमले दी पैहली बरसी दे मौके पर मुखमंत्री उमर अब्दुल्ला होरें इस हमले च
मारे गेदे लोकें गी श्रद्धांजलि भेंट कीती ते आतंकवाद खिलाफ जम्मू-कश्मीर सरकार दी बचनबद्धता
गी फही पक्का कीता। मुखमंत्री होरें आखेआ जे आतंकवाद खिलाफ लड़ाई अस सारे इकजुट होइयै
खडोते दे आं ते हिसां ते बेदोसे लोकें दी हत्या आहली इस कबैतू गी जड़ थमां खत्म करने लेई बचनबद्ध
हा। उमर होरें सौगी परौआरें कन्नै हमदर्दी जाहिर कीती ते दिवंगत आत्माएं दी शांति लेई प्रार्थना
कीती। जम्मू-कश्मीर दे लोकें बी इस हमले च मारे गेदे लोकें गी चेत्ता कीता ते उनेंगी श्रद्धांजलि भेंट
कीती।

<><><><><><>

Pahalgam Security

तोंआई जम्मू-कश्मीर दी सारी महत्वै आहली सैलानी थाहरें पर सुरक्षा गी होर निगगर ते पुख्ता
बनाया गेआ ऐ। सारी सुरक्षा एजेंसिएं गी होर मता सौहगा ते स्तर्क रौहने लेई आखेआ गेआ ऐ।
प्रशासन आस्सेआ सुरक्षा सरबन्धी व्यापक इंतजाम कीते दे न- केई सारे पर सुरक्षा निगगर कीती गेई ऐ।

<><><><><><>

PM-Civil Servants

प्रधानमंत्री नरेंद्र मोदी होरें सिविल सेवकें गी इक विकसित भारत दे निर्माण दे लक्ष्य कन्नै अपने हर
प्रयास गी समायोजित करने दा आह्वान कीता। देश दे सिविल सेवकें गी लिखे दे पत्तर च प्रधानमंत्री
मोदी होरें निरंतर सिक्खने ते क्षमता निर्माण प्रति उंदी प्रतिबद्धता गी सराहेआ। हाल च गै सम्पन्न
कर्मयोगी साधना सप्ताह च सिविल सेवकें दी उत्साहपूर्वक भागीदारी पर बधाई दिंदे होई उनें आखेआ
जे सिक्खने दे इस हफ्ते भ दे उत्सव च देश भर दे सिविल सेवकें हिस्सा लैता। उनें आखेआ जे दुनिया
ऐसे युग च जि'रदी ऐ जित्थे अपने आपै गी उत्तम ते कुशल बनाए रखना हुन वैकल्पिक नेई ऐ। श्री
मोदी होरें आखेआ जे भविक्ख च परिवर्तन दी गति होर बी बदोग ते लगातार सिक्खने लेई
प्रतिबद्धता गै सब्बनें शा अगगे रौहने दा एकमात्र तरीका ऐ।

<><><><><><>

TN-WB Poll Arrangement

तमिलनाडू च कल राज्य दी सब्बनें 234 विधानसभा सीटें पर इक्क गे चरण च मतदान होगा। राज्य च 5 अशारिया 73 करोड़ शा मते मतदाता हैन। पच्छिम बंगाल च कल 16 जिलें दी 152 सीटें पर विधानसभा चुनां दे पैहले चरण दा मतदान होगा। इस चरण च 1 ज्हार 478 मेदवार चुनां मैदान च न। राज्य च दुए चरण दा मतदान 29 अप्रैल गी होगा। मीडिया गी संबोधित करदे होई राज्य दे मुख निवाचन अधिकारी अर्चना पटनायक होरें दस्सेआ जे राज्य भर च स्थापित 75 ज्हार 64 मतदान केंद्रें पर 5 करोड़ 73 लक्ख शा मते मतदाता अपने हक्कें दा इस्तेमाल करंगन।

<><><><><><>

GoC-Western

पच्छमी कमान प्रमुख लेफ्टिनेंट जनरल पुशेंद्र सिंह होरें कठुआ जिले दे बनी माछिल सैक्टर च कारवाइए सरबन्धी तैयारिएं दा जायजा लैता। अपने दौरे दुरान उनें हर कारवाइ लेई तैयार रौहने ते पेशेवराना ढंगै सिर कम्म करने लेई बलें दी सिफत कीती। पच्छमी कमान प्रमुख होरें जम्मू दा बी दौरा लाया ते पुलस, बीएसएफ ते सिविल अधिकारिएं कन्नै गल्लबात कीती ते आखेआ जे बन्ने दी सुरक्षा लेई सबनें दे सांझे जत्तें दी लोड़ ऐ। एहदा मकसद सुरक्षा सरबन्धी हीलें दा जायजा लैना, बन्ने आहले इलाकें दी सुरक्षा यकीनी करना ते संभावित चुनौतिएं पर नेडमी तक्क रखना ऐ।

<><><><><><>

India-UK Talks

भारत ते बरतानिया नै हिंद प्रशांत क्षेत्र च मौजूदा चुनौतियें थमां निब्वडने ते सुरक्षा बवस्था सुदृढ करने लेई सहयोग पर सहमति जताई ऐ। भारत दे प्रमुख रक्षा अध्यक्ष जनरल अनिल चौहान होरें बरतानिया दी यात्रा दुरान उत्थूं दे प्रमुख रक्षा अध्यक्ष एयर चीफ मार्शल सर रिचर्ड नाइटन हुंदे नै गल्लबात कीती। दौनें पक्षें नै साइबर खतरे सने वैश्विक मुद्दें थमां निब्वडने ते शांतिपूर्ण ते समृद्ध हिंद प्रशांत खेत्तर दी प्रगति दे प्रति अपनी प्रतिबद्धता दोहराई। जनरल चौहान होरें रायल कालेज ऑफ डिफेंस स्टडीज दे प्राध्यापकें कन्नै बी गल्लबात कीती ते वरिष्ठ अधिकारिएं गी उभरदी सैन्य रणनीतियें दे बारै दस्सेआ। उनें विनिर्माण, प्रौद्योगिकी हस्तांतरण ते आपूर्ति श्रृं,लाएं दे क्षेत्र च सहयोग बढाने लेई बरतानिया दे रक्षा उद्योग दे प्रमुखें कन्नै मुलाकात कीती।

<><><><><><>

Trump-Iran Ceasefire

अमरीका दे राष्ट्रपति डोनाल्ड ट्रम्प होरें ईरान कन्नै युद्ध विराम गी अनिश्चितकाल लेई बढाने दी घोशणा कीती ऐ। उनें आखेआ जे दौनें देशें बश्कार शांति वार्ता जारी रखने लेई एहू गैहू पुट्टी गेई ऐ। अमरीका ते ईरान बश्कार दो हफ्ते दा युद्धविराम अज्ज खत्म होने आहला हा। राष्ट्रपति ट्रम्प होरें आखेआ जे जिसले तोड़ी ईरान कोई सांझा प्रस्ताव पेश नेई करदा, उसले तोड़ी ईरान दे बंदरगाहें दी नाकाबंदी जारी रौहगा। तोआई, ईरान दे रिवोलूशनरी गार्ड्स कन्नै सरंबधित इरानी मीडिया नै आखेआ जे ईरान नै युद्ध विराम बढाने दा अनुरोध नेई कीता हा ते उनें बलपूर्वक अमरीकी नाकाबंदी तोड़ने दी अपनी धमकी दोहराई।



CM-GMC-Udh

मुख्यमंत्री उमर अब्दुल्ला होरें जीएमसी उधमपुर दा दौरा लाया ते उधमपुर दे रामनगर इलाके च पेश आए दे शिड़क हादसे दे घायलें दी डोल पुच्छी। अपने दौरे दरान मुख्यमंत्री होरें पीड़ित परोआरें कन्नै गल्लबात कीती ते अफसरें गी हर संभव सेहत सरबन्धी दिक्खभाल मरीजें गी उपलब्ध करोआने लेई आखेआ। सेहत मंत्री सकीना इत्तू ते ट्रांसपोर्ट मंत्री सतीश शर्मा होर बी इस मौके मुख्यमंत्री हुंदे कन्नै हे। मीडिया कर्मिएं गी संबोधित करदे होई मुख्यमंत्री होरें आखेआ जे जांच दे आदेश दित्ते जाई चुके दे न ते कारणें दा पता लाया जा करदा ऐ।

<><><><><><>

Add-LG-CM GMC

तोआई, उपराज्यपाल मनोज सिन्हा होरें जीएमसी जम्मू दा दौरा लाया ते उधमपुर शिड़क हादसे च घायल लोकें दी डोल पुच्छी। उपराज्यपाल मनोज सिन्हा होरें अस्पताल प्रशासन गी हिदायत कीती जे ओहू बेहतर ते संभव मेडिकल स्थूलत ते दिक्खभाल घायलें गी उपलब्ध करोआन।

<><><><><><>

Women-Cricket

महिला टी-20 क्रिकेट च अज्ज भारत दा मुकाबला दक्खन अफ्रीका कन्नै होगा। जोहानास्वर्ग च 5 मैचें दी श्रृंखला दे त्रीए मुकाबले च अज्ज भारती समें मताबक रातीं साड्डे 9 बजे दौनें टीमां आमने-सामने होंगन।

<><><><><><>

IPL –Cricket

IPL क्रिकेट च अज्ज लखनऊ दे श्री अटल बिहारी स्टेडियम बाजपाई स्टेडियम च राजस्थान रायल्स दा मुकाबला लखनऊ सुपर जायंटस कन्नै होगा। कल संजा हैदराबाद दे राजीव गांधी इंटरनैशनल स्टेडियम च खेडुं गेदे इक मुकाबले च सनराइजर्स हैदराबाद नै दिल्ली कैपिटल्स गी 47 रन्ज कन्नै रहाया। 243 रन्ज दे लक्ष दा पिच्छा करदे होई दिल्ली दी टीम 20एं ओवरें च 9 विकटें दे नुक्सान पर 195 रन्ज गै बनाई सकी। पैहले बल्लेबाजी करदे होई सनराइजर्स हैदराबाद नै 20एं ओवरें च छड़ियां दंऊ विकटां मोहाइयै 242 रन्ज बनाए हे।

<><><><><><>